

الفاجومي

مبعوث حكومي بدرجتا ناقدا أدبي

« رساله من رجاء النقاش.. يعني رساله من
الحكومه.
بعد زيارة رجاء لحوش آدم؛ أناح أسس حزب
أسميه «حزب الشيخ إمام».
لماذا امتعض الشيخ إمام واعترض على عرض
رجاء النقاش أن يظهر في برنامجه في التليفزيون.

obeyikan.com

نزلت قوات شعراوى جمعه المدربه «تدريب على» واستخدمت كل فنون
وأسلحه القتال ضد الطلبة الوطنيين العزل إلا من حبهم لمصر وغضبهم لشرفها..
وكما هي العاده سارعت الأقلام المشبوهه تتهم شباب مصر بالخيانة والعماله
عشان يقطعوا الطريق على أى قلم شريف يدافع عن الطلبة ويعرض وجهه نظرهم.
وكان محمد جاد هو الفنان المصرى الوحيد الذى قال رأيه فى المسأله ووقف
جنب شباب مصر فى أول تجربه شعريه يكتبها:

يام المظاهر

رشى الملح سبع مرات

ومع الزغروته احكى حدوته

تعلب فات

الا المظاهر شافها مظاهر

طب سكات وبايده شرح

بنيان وصرخ

وكتب ترخ

ماحناش بقرات

.....

وعند محمد جاد ليلة سهرة شقة العجوزه شفت عدلى رزق الله ومن ساعتها بقينا
صحاب.. ممكن مانشوفش بعض سنين طويله لكن أنا على طول باقى مستنيه.. هو
كمان يببقى عارف إنى مستنيه يروح جاى فجأه أروح أنا بمتتهى السنداله مسلم عليه

عادي وكأنا كنا مع بعض إمبراح.. هو كمان شكله أليط.. يعني محمد علي بس
علي بشواتي، والغريب إنني أقابل البرنس عدلي في جحر محمد جاد الرب علي
الكائن بيدروم العجوزه اللي محمد جاد من باب المنجهه بيسميه «شقة العجوزه»!

وعدلي رزق الله مش برنس في شكله وبس.. لأ دابرنس في تصرفاته ما عندوش
حاجه جهجهوني.. كل شيء عنده مترتب ومنتظم.. وتلاقيه كده بيتصرف علي أقل
من أقل من مهله.. ما يتكلمش عمال علي بطل.. كلمه رطل وعشره رطل..
ويعرف ابن الحرام ينقى الكلمات اللي توصل لك هو عايز يقول لك إيه.. وبس.

يعني بلا مؤاخذه ما بيسخنش زي حالاتي في الكلام ولا بيتحمق ويروح فاقع له
بقين زفرين وساعه الجد يسحب جيزه ويهرش في عرق الهيافه زي بعضهم.

ذات يوم جاني علي ريق النوم فطرنا وشربنا الشاي والذي منه ولعبنا عشرين
طاولة واحد وتلاتين ومش فاكر يومها مين غلب.

هو دائماً يزعم إته ما بيتغلبش طاولة ولو قلت له اللي بدعها اتغلب يقولك «أنا
اللي غلبته» وأثناء ماوقف عشان ينزل قال لي وكأنه تذكر فجأه:

- أيوه صحيح.. أنا جايب لك رساله من رجاء النقاش.

كانت أيام بقي «الله لاعاد يعودها» كان رجاء النقاش زي ما يقولوا - ملء
السمع والبصر - تفتح راديو تلاقيه ، تفتح تليفزيون، تفتح كتاب تفتح جرنال، تفتح
مجلة تلاقي الأستاذ رجاء النقاش قاعد ومربع في وسط الفطاحل من نجوم الشافه
والفن والإعلام.

أنا ربك والحق قلبي كان حيفظ من حلقى من شده الفرح.. قلت في عقل بالي:

- رجاء النقاش بجلالة قدره باعت لشخصي الضعيف رساله؟! ومع مين؟ مع
البرنس عدلي رزق الله! كده يبقى تمام.. أصل رجاء النقاش يعني الحكومه.. طلب
الحكومه حتبعت لنا رساله ليه؟ لازم صوتنا وصل فوق ووصل بقوه واهم طالبين
يعملوا معنا مفاوضات علي غرار مفاوضات باريس اللي دخلوها الأمريكان

مجبرين مع ممثلى الفيت كونج.. جبهه تحرير فيتنام.

إذن هاهو المبعوث الشخصى بالباب ويطلب الإذن بالمشول.

- فليتفضل.

ورحت واخذ لك بوز شديد وتخيلت نفسى محاط بالصحفيين والعدسات عماله

تطلع شرار وقلت لعدلى بالأطه:

- رسالة إيه ياعزيزى؟.. أوجز أرجوك.

ضحك عدلى وجاب سيرة المرحومه أمى بشكل غير محترم وبعدين قال لى:

- هو عايز يبجى هنا.

قلت له:

- أهلاً بأى حد يبجى من طرفك.

قال لى:

- ولا وحياء أمك.. هو مش من طرفى.. أنا بلغتك الرساله وانت حر تقبل أو

ترفض.. لكن ما ترجعش تقول دا عدلى هو اللى جابهولى.

كلام يخلى الفار يلعب فى عب الأسد، لكن ميول الاستعراض والمغامره

والفضول حسمت المسأله فقلت له:

- يتفضل وفوراً.

قال لى:

- فوراً إزاي؟ هو ف جيبي! أنا بكره ح أبلغه بموافقتك وآجى أقولك ع الموعد

اللى هو يحدده.

قلت له:

- ماشى.

وخلال يومين كان بيتنا الحقير بيتشرف باستقبال الأستاذ رجاء النقاش وبمعيته
كوكبه من الصحفيين الشباب.

- أهلاً بالتلفزيون.

بدأنا نغنى وأنا عيني ع الضيف الكبير.. كان فى حاله ذهول تام، أنا اللي كنت
باختار الأغاني فقدمنا لهم وجبه حراقة من الأغاني والقصايد وكان ضمنها - حسب
المتبع - أغنيه «الحمد لله خبطنا» وبعد انتهاء البرنامج بدأت أرحب بالزائر العظيم،
ومرافقيه الغر الميامين، ونقلت لهم إحساسنا الغامر بالسعادة بمناسبة هذه الزيارة
الميمونه لمنزلنا حقير الشأن والمنظر.. وانفتح خط المجاملات الحاره وتآلق الشيخ إمام
كعاداته فى اختيار عبارات التكريم والمديح والثناء وفضل يكيل لحد ما غرق الضيوف
الكرام.

وقرر الأستاذ رجاء الدخول مباشرة فى الموضوع وبدأ بالتعليق على ماحدث:

- دا شىء مدهش والله العظيم.. إزاي الفن العظيم ده تحجبه عن الناس؟! .. ثم
أدلى بالتصريح الخطير التالى:

- أنا ح أسس حزب وأسميه حزب الشيخ إمام، وح أكون من أعضائه.

ثم تساءل على استحياء:

- يا ترى تقبلونى يا شيخ إمام؟

وكان إمام لسه عايش الدور فتقمص روح طه حسين وقال بنفس صوت طه
حسين:

- بل انت مؤسس وزعيمه إلى الأبد يا أستاذ رجاء وإليك يدى والله على ما نقول
شهيد.

قلت فى عقل بالى:

- يا ولاد الكاالب.. فى قعده واحده تأسسوا الحزب وتنتخبوا الرئيس وتبايعوه إلى الأبد!!!

وأخيراً وبلا مجاملات طلب الأستاذ رجاء إننا نظهر معاه فى التلفزيون من خلال برنامجه الأسبوعى «شريط تسجيل».

وفوجئنا جميعاً بالشيخ إمام يقول بمنتهى الجليطه:

- لا.. كله إلاً التلفزيون.. أنا أربأ بنفسى وبفى أن يصل للناس من خلال التلفزيون.. قال تلفزيون قال.. لا ياسيدى يفتح الله.

وذهل رجاء النقاش من عنف رد فعل الرجل الفاضل المهذب المجامل صاحب الحزب اللى لسه متأسس وزى مايقولوا «أسقط فى يده».

هو ما أسقطش قوى لأنه تماسك وضحك وبدأ يستفسر عن أصل العداوه بين الشيخ والتلفزيون.


عايز الجد ولا ابن عمه؟ أنا عارف السبب ورأى إن رد فعل إمام كان طبيعى جداً لأن اللى عمله معانا التلفزيون مايعملش.



إحنا من كام شهر كنا على وشك اقتحام مبنى التلفزيون شخصياً.. لكن ما نزل قدم عن قدم إلاً بأمر الله.. ربنا ماكتبهناش ورجعنا قفانا يقمر عيش..

والعبارة إن السيدة عايدة شكرى المذيعه الأولى فى إذاعه الشعب كانت فى زياره لبیت الشيخ عبدالسلام بدعوه من زميلتها المذيعه الأولى فى البرنامج العام السيده جمالات الزیادی رحمه الله علیها.

وزى ما تقول إن سيرتنا جت فطلبت عايدة شكرى من جمالات شريط عليه أغانى الشيخ إمام، وتطوع الفتى الجميل جمال الموجى بتلبية رغبة الضيفه لقيناه جاي ويسألنا عن شريط ولحسن الحظ ما كانش فيه.. بصيت على إمام لقيناه مبتسم بزهو لغايه دلقتوى مش عارف كان مصدره إيه؟



بريشة الفنان : بيشة

سألت جمال:

- انتوا اتغديتوا؟

فهم القصد فابتسم وقال لي:

- لسه .. وانتوا؟

قلت:

- برضه لسه.

قال لى:

- خلاص تاهت ولقيناهنا أنا ح أخذ العود واسبقكوا وانت تجيب مولانا وتيجواع البيت نتغدا مع بعض ولو مولانا مزاجه راق وحب يتكرم علينا بحاجه نبقى أسعد ناس فى الدنيا.

قلت له:

- طب ولو مولانا غب جامد فى الأكل ومزاجه اتعكر وما غناش؟

قال لى:

- يبقى كفايه علينا إننا حتأنس بكم.. هو دا شويه؟

قول سفحنا الغدوه المتينه والشهاده لله إن كميات البروتين اللى بلعها مولانا قصاد عيني تبشم وتسطل ثلاثين مجاور أزهرى على الأقل شرطاً يكونوا من بنى فجعان.

وبدأ الشيخ يرد الجميل فأبدع واتسلطن وغنى بشكل أدهش الحاضرين وخاصة عايدة شكرى اللى قالت كلام.. أنا اللى ما عنديش أى فكره عن الأدب ومشتقاته بدأت أخجل وخدودى تحمر ما أعرفش جابت الحمار منين؟ والحقيقه إن عايدة شكرى من الشخصيات اللى لو شفتها مره واحده ماتقدرش تنساها.. إنسانه مثقفه تقطر عذوبه وموده.. حتى صوتها.. منتهى الرقه إلى جانب أنها إنسانه ولو فسه وبسيطه.

قول قبل ما تنتهى القعه كنا اتفقنا على إننا نعمل مجموعه من الشعارات الغنائيه ونهديها لإذاعه الشعب يحطوها فى الفقرات اللى بين البرامج الرئيسيه، وخذنا مهلة أسبوع، وحتكون هى سايبه لنا خبر عند الأمن فى التلفزيون نروح نسجلهم ونرجع.

يقوم يشاء السميع العليم إنه يكرمنا بزياره ميمونه ومفاجأه من الزميل محمد جاد في نفس الليله وبمجرد ياخويا ما قلنا له ع الموضوع راح مطلع ورقه وقلم..! ابن المجنونه في خلال نص ساعه كان كاتب شعارين: واحد دفاعاً عن المرأه والثاني ضد العنصريه.

ومسك إمام العود وهاتك يا تنجيد.. ما فتش ساعه زمن إلا وكنا قاعدين نغني الشعارين، واتلموا علينا عيال الحاره بقيادة لبيبه بنت جارنا إبراهيم هاجه اللي نزلت زغاريت طول ما احتا شغالين وبقت زفه.

